



19. december 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

- 1. Illoqarfinni inissiani INI A/S-imit aqunneqartuni qassit ulloq manna tikillugu atorunnaarsinneqarsimappat? Akissut illoqarfikkaartumik piumaneqarpoq.**
- 2. Illoqarfinni inissiani INI A/S-imit aqunneqartuni ulloq manna tikillugu qassit illusimasoqanngillat? Akissut illoqarfikkaartumik piumaneqarpoq.**
- 3. Ataani oqaaseqaat nr.6-mi allaqqasutut inissianut inoqanngitsunut inissianullu ukiut arlaqanngitsut ingerlanerani qimanneqartussanut aningaasartuutit immikkoortortamut immikkut ittumut immikkoortinneqarsimasunut kommuunikkaartumik immikkut inissiatileqatigiinnik pilersitsisoqarsimava?**
- 4. Angerpeqarpat, inissiat inissiatileqatigiinni illoqarfikkaarlugit komuunikkaarlugillu qassiuppat?**
- 5. Naalackersuisut allanik suliamut soqutiginaatilinnik paasissutissiisinnaanerlutik?**
(Inatsisartunut ilaasortaq Justus Hansen, Demokraatit)

Tungavilersuut

Ini A/S 2018-imut ukiumoortumik nalunaarutaata misissuataarnerani 2019-imut missingersuummi Namminersorlutik oqartussat inissiaatai iluarsartuunneqarnissai qimanneqarnissaallu peqqutingalugu, taamaalillunilu aqunneqartussaajunnaarnerat peqqutingalugu isertitat apparnissaat ilanngunneqarsimasoq maluginiarsimavara.

Aammattaaq 2020-imut aningaasanut inatsip nassuiaataani Konto pingaarnermut 72.10.16-imut, Inissiat attartortittakkat ingerlanneqarnerat, aningaasaliissutinit iluanaarutit, nr. 6-imi imatut allaqqasoqarpoq:

”Immikkoortortani aningaasartuutit minnerpaaffianiitinniarlugit inissianut inoqanngitsunut inissianullu ukiut arlaqanngitsut ingerlanerani qimanneqartussanut aningaasartuutit immikkoortortamut immikkut ittumut immikkoortinneqarput. Kommunimi ataatsimi immikkoortortamik amerlanerpaamik ataatsimik pilersitsisoqassaaq.”

Naluneqanngitsutut sualummik Nuummi inissianut nalinginnarnut utaqqisutut allatsissimasut amerlapput. Ima ingasatsingaaq innuttat amerlasuut angerlarsimaffeqanngitsuusariaqarneranut aammalu akisuallaanik inissianik attartortariaqarneranik kinguneqartitsisumik. Sualummi Nuummi ukiorpassuarni inissianut utaqqisariaqqartut ajornartorsiutaasimavoq. Qulaani Ini A/S-ip ukiumoortumik nalunaarutaani, Aningaasanullu inatsip nassuiaataani allaqqasut imatut apererusulersippaannga, INI A/S –mi inissiaatit inissiatileqatigiiffinnit illoqarfinni pisariaqartitsiviusuni qanoq amerlatigisut



DEMOKRAATIT
DEMOKRATERNE

atorunnaartinneqarsimanersut, tassami illoqarfinni amerlasuunik utaqqisorpassuaqarfiusuni
inoqanngitsunik inissiaateqarneq akisussaassuseqanngitsuummat.

Kissaatigaara apeqqutima ullut sulliviit naliginnaasut qulit iluanni akineqarnissaat.